

**KUMPUAN  
KHAWTLANG NUN  
SIAMTHAT**

YMA Chu tanpui ngaite tanpuitu a ni

ESTD.1990



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.30 7<sup>th</sup> Aug. 2011

## Branch YMA Executive Committee

### neih a ni

**Chanmari West, August 7:** Chanmari West Branch YMA Executive Meeting chu Ni 2.8.2011 (Thawhleh) zan khan Pu R.Lalhmachhuana (Vice President) te in Vanapa Section-ah President kaihhrucainain neih a ni.

He meeting ah hian vengchhung leh YMA hmasawnna tur kawng hrang hrang ngaihtuah leh rel a ni a. Section leh Sub-Committee-in thu an thlen te ngaihtuah ho a ni bawk. Meeting ah hian Committee hmasa leh he committee inkara thil thleng leh pawimawhte Secretary hnen atangin report hrang hrang ngaihthlak a ni a, ruihtheih thil avanga vengchhung atanga chhuak tura an tih Pi Vanlalpari W/o Vanlalthanga Neuva Section a mite chu warning vawi-2 pek hnu pawha an la chhuah duh loh avangin Ni 7.8.2011 (Sunday) hma ngeia chhuak tura tih nawn leh an ni a, chanchinbu buatsaih lai hian vengchhung an chhuahsan thu report dawn a ni.

Member Secretary Aizawl Municipal Council Ward No-VIhnen atanga thu hmuh angin Solid Waste Management Member Branch YMA aiawh tur mi pahnih heng Pu R.L.Thanhnuna leh Tv.Zairemmawia te ruat an ni.

Zawlbuk sak mek chu sum neih ang ang hman zawh thawkhat tawh a ni avangin vengchhunga chhungtin te hnenah thawhlawm khawn nise tih rel a ni a, a tul anga hma lo la turin Working Committee kutah dah a ni.

Meetingah hian YMA memberte tan Chanmari West Branch YMA Sport 2011 buatsaih nise tih a ni a, a hun atan hian Ni 19-24.9.2011

ruahman a ni. He Sport neih turah hian member mipa leh hmeichhia te Football leh Volleyball hmangin intihsiaik tur a ni. 2011 Sport neih turah hian a tul anga hma lo la turin Organising Committee din nghal a ni a, heng a hnuia mite hi ruat a ni.

Chairman :- Pu R.Lalhmachhuana, Vice President.

V.Chairman :- Pu Lalriniana  
Secretary :- Pu R.K.Rozidinga  
Asst. Secy :- Tv.Zairemmawia

Members :-

- 1.Pu R.Lalbiakhlu - CH
- 2. Pu Zonunsanga (Patea)- K
- 3. Pu R.Lalsangzuala - T
- 4. Tv.R.Lalrinngheha - V
- 5. NL.Lalramengi - N

Neuva Section leh Taitesena Section te'n Section bungrua tur lei an rawn dil chu phalsak an ni.

Tin, Kumpuan Sub-Committee Secretary Pu Lalhminglana'n engemaw rokhawlhna a neih avanga a phatna chu pawmsak a ni a, a aiawh tur hian Asst.Secretary nilai Pu K.lalzuiliana chu ruat niin Asst.Secretary atan Pu C.Lalramzauva(Tetea) chu ruat nghal a ni bawk.

Vengchhungah chhiattawk Lumen ngai kan awmin tlangval/rawlthar mitthi in bawr vela zu in leh rui kan awm ta fo mai chu Br.YMA committee chuan a ngaimawh hle a, khauh zawkha hmalak tum a ni.

### YMA MEMBERTE HNENA HRIATTIRNA

Ni 23.9.2011(Zirtawp)zing dar 5:00 khian Central YMA buatsaihin Half Marathon Race(21 kms) tlan tur a ni a, hetah hian mipa 5 aia tam lo leh hmeichhia mi 5 aia tam lo tlan tur a ni. Tin,Ni 7-10.9.2011 chhung hian T.T Tournament neih tur a ni bawk a, kan Branch YMA aiawha tel tumte chuan Ni 21.8.2011 ral hma in Branch Secretary Pu R.L.Thanhnuna hnenah mahni ngei kalin in report tur a ni e.

### Branch News

Kan Branch President Pu T.Ngurkhuma chu Ni 2.8.2011 tlai a Office bang haw lam midang bike nen an in tihpalh avangin a ke a ti na a, a dam thuai kan beisei.

Ni 1.8.2011 a Upa Thanmawia (Kum 89) 'V' Section leh Ni 4.8.2011 a Lalduhzuali (Thla 5) D/o J.Lalngaihzuala 'N' Section ten min boralsan chu lusun chhungte kan tawhrpui tak zet a ni.

Mitthi lumen zanah hian tlangval thenkhat tlaivar tura kal thin te,mitthi in bul velah zu lo in leh zu rui chunga kal kan awm thin hi thil mawi lo tak a ni a, tun hnuah chuan ti tawh lo hram turin kan in ngen e.

Mtthi vuina a tlawmngaia motor a kuang min phurhsak thintute chungah Branch YMA chuan lawmthu sawi takzet a ni.

Ni 3.8.2011(Nilai) zingkar khan Zawlruk sak mekah member nawlpui hnatlang neih a ni a, he hnatlangah hian YMA member 39 an hnatlang a ni. Hnatlang theitui tumsaktu Pu Lalmalsawma (Sena) T-Section leh Pu H. Vanlalsawma N-Section te chunga Branch YMA chuan lawmthu a sawi takzet a ni.

### THIL CHHAR

Baltin (Aluminium) pathum (3) chhar a ni a, a neitu diktak chuan Pu K.Lalnunmawia (CH-Section), Upa Sapliana (L) Colony ah a ranglama lam tur a ni e.



### TUN KAR CHANGAWN

Thlarau rah erawh chu hmangaihna te, hlimna te, remna te, dawhtheihna te, ngilneihna te, thatna te, rinawmna te, thuhnuairawlhna te, insumtheihna te a ni zawk e; chutiang kalhzawngin Dan thupek reng a awm lo ve. Galatia 5:22

**Editorial Board**
**Editor**

RK.Rozidinga  
9436142304

**Joint Editor :**

RK. Malsawmkima  
9862578441

**News Editor**

Tv.Thangkhuma  
9862303135

Pu Vanlalhluta  
9862366308

Tv. Vanlalfawna  
9856301975

**Cir.Manager**

Johny Lalthanpuia  
9612359161

Jacob Lalrinsanga  
9612319779

**Production Manager**

R.Lahmachhuana  
9436151817

**Branch Office Bearer**
**President**

T.Ngurkhuma  
9436190843

**Vice President**

R.Lahmachhuana  
9436151817

**Secretary**

RL.Thanhnuna  
9436152760

**Asst. Secretary**

K.Darthantluanga  
9436196071

**Treasurer**

C.Lalzarliana  
9436142049

**Fin.Secretary**

Lalthuamluua  
9612216649

**Advisers**

Pi Zamanthangi  
Pu Vanlalsawma  
Pu Rothuama  
Pu Lalbiakthanga  
Khiangte

*Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5*

**Editorial :** Branch YMA Committee chuan YMA memberte tan infiamna leh intihhlmina hun buatsaih turin hma a la mek a. He a hmalakna hi memberte'n engang chiahin nge kan ngaih tih hi zawnhna lian tak a ni thei awm e. Kum engemaw zah kalta ah khan heng ang infiamna hi buatsaih a lo ni tawh thin a. Section hrang hrang kan tang tlangin kan hlim hle a nih kha. Hethlai hian thenkhat chuan Section inpumkhatna ai mahin inelna leh in er nan kan hmang ang tih a hlauawm hle a. Memberte leh hravuitute inpawhtlan zawk nana hmangthiam section nih tum theuh ila, chu mai bakah Khawtlang Nun Siamthat nana hmangin infiamna hi hlimhlawp mai a nih lohzia leh hriselna kawng pawimawh tak a ni tih kan hriat thar a pawimawh hle ang. Khawtlang tana kan thawhhona atan rah tha a chhuah ngei theihna tura rilru kan put a pawimawh a, chutiang tur chuan memberte leh hravuitute kan rilru leh taksa i buatsaih theuh ang u.

**Article :**
**INFIAMMITE TAN THUVAWN-7**

Kan thupui hunawl hmanna ringawt leh hlimhlawp atan maia infiamna ti ve chauhte tan chuan a tul lovong. Mahse hlawhtlin ve ve duh luhchilh i ni em? I nih chuan infiamna khawvela hlawhtlinna thuvawn 7 te hi i zawn ngei a ngai ang. Infiamna khawvela dinchhuahna zawngtute tanpui tura zir miten ngaihthuahna farchhuak an lo neih hi zirchhuah han tum chhin teh. Kawngnuam chu a ni lova, ti thawt thawt leh hmanhmawh mi tan chuan "Short cut" a kal mai chu a nuam zawk, mahse mi chhar ang chhar ve lohna a ni.

Infiamna lama changkang ramah, Coach atana mi an lak dawna an hmanraw hman tur an ngaih pawimawh thin riau mai chu engvanga pawimawh nge a nih? Krista tak nei lova Pathian thuril pui pui, nunpui theih a ram nei si lova kan sawi thin ang deuh hian, infiammite hlawhtlinna tak tak chu European Standard hriat hle lam a ni lova, hniam lutuk emaw kan tih atanga bul tan that leh hi a lo ni daih zawk.

**1.Desire:-** Duhna avanga mihring taksa chet nasat theihzia hi i hria em? Duhna nei lovin mien engemaw a pan ngawt thei lo tlat. Chuvangin hlawhtlinna pan turin duhna leh chakna hi thinlung ruangam dintu hmasa ber a ni. Mite hian engvanginng heun leh tha tam tak senga infiamna an tih thin? Engvanginng an thawhrim? Annahni hruai kal thin tu chu mi thlen ang thlenve duhna hi a ni.

**2.Dedication:-** Duhna chuan a thil duh nei thei tura inpumpek duh hialna a hring a. Hei hian thil dang zawng zawng, kawnglaka lo tibahlah thei chi thlauhthlak duhna hial thlengin a neih tir a. A duhdu leh a duh a intawnna ah a hruai thin a ni.

**3.Devotion:-** Inpumpek duh hial khawpa duhna a lo len tawh chuan inserhhranna nunah mi a hruai lut a, bansan duh tawhlohna leh rilru sen tak takna an lo thleng a, an game khelhah chuan anbeisei ang hlawhtlinna hmu mai lo mahsela, a theih loh a ni ang a! ti a kirsan leh duhna chuan a hneh tawh lova, an vuan tlat a, an zui zel a, kahpah nunin a hneh tawh lo.

**4.Discipline:-** Kan hriat than ang hu a kan neih theih loh, nundan sang tak a ni. Mahni in thunun theihna, inhnehna, nun ti chhe thei thilin a run pawh a intihchhiattir lo tura harsatna pawh ngaihnep theihna nun sang tak, infiamna khawvela chaw zawng te tana kawng tluang, nun intlahdah nuam ti mite tana atthlak ni si chu a ni. Thuawihna leh mahni inkhuahkhirh tlatna bawih a intukluh na a ni. Discipline hi hlawhtlinna unau pianpui a ni a, a telovin hlawhtlinna a hmelihiat theih loh. Mi nawlpui peih chin bak tlem kal belh hlek zelna a ni. Mahni in lainatna hi -Discipline thattu a ni fo.

**5.Determination :-** Tumluh tlatna, a tha lama luhlul tlatna hi sapin 'Determination' an ti a ni awm e. Beidawng duh lo luhlul tlat mi hi khingpui te tana chimawm ber a ni a. Hlawhtlinna kawng a mi kallai pawh din tumtute tana

hmelma lian tak a ni. Jesse Owen te anga he nun neitute lu-ah hian a ni hlawhtlinna chu a par chhuah thin ni.

**6.Diligence:-** Tumluh tlatna nun chuan taihmakna leh insenso peihna a hring mai, chu chu sual chhuahna nun a ni a. Apan lam hawi a kal laiin dodaltu nun zelthel te, chawlh duhna te, nawmchenna chi hrang hrang lakah indo a puang reng mai a ni. Hratlakna hi engemaw tal hmuh belh tura mi chettirtu a ni. Chawlh hlekna hian theinghilh thenna leh thlauhthenna a thlen. A tawp thlen hma a hlamzuihna, kawnglaka thamralna a ni.

**7.Durability :-** A hma lam a hlawhtlinna ze pawimawh zawng zawng kan sawi tak te kha teirei peihna hian a tuam beh tlat loh chuan an talpit a, kawng loval an tla darh thin. Fuat a ngai a, thawhkhat tih that phut hi chakna a ni lo fo. Hlawhchham chang a lo thlen pawh a kal luih zel theihna a ni a. Chawl lo a kal na na chuan a tawp thlen hun a nei. Chhelna leh teirei peihna tello chuan hlawhtlinna chu mumang mai a ni.

Sorkar laka pangchan luat vanga tih tauh ngawt te hi mi hnehna a ni lova, midangte rilru hneh a, kan lama mi ngaihthuahna hip tur chuan mahni in tanpui hmasak hi a kawng hnai ber a ni a, lamtang siam nan tawngkam cheh duah aiin a tangkai. Infiammi ropuite hian midangte leh sorkar tanpui nain bul an tan ngawt lo. Jackie Joyner Kessie, mahni intumchawp a khawvel hmeichhe 'athletic' ropui ber ni ta te, fahrah chawmna in a ni khata Rs 5/- rate a chawm ve mai mai Dingko Singh Boxing tlangchhipa a lo chuanchhuah dante hi thawnthu mai anni hauh lo. Hlawhtlinna leh hrehawm an lo intlheng tawn dan te chu ngaihnawm a tling. Tluangtlam taka hlawhtling an awm thei. Mahse chanchin zir tlak an nei ve ngailo. Infiam mi hlawhtling ringawt nih tum lo la, i hlawh tlak nun neih talh tum la, i thih hnu a i nun reng na tur a ni.

Mizo infiammi ten thuvawn-7 hi kan kaltlang lo hlawm hle niin a lang. Tuna kan tih nghal theih vek an ni a, tumruhna vuai leh mai tur hi veng turin tumah kaichhan a sawm ve theihloh. He'ng formula kte hi i hlen chhuah chuan Zoram leilung rualremlo tak atang hian khawvel hmundang mual remah a la phurckhuak pui ve ang che.

**ZCC NEWS****TAITESENA**

☞ Vengchhungah ruihtheih thil a hluar leh ta hle mai a, nu leh pa te helam kawnga kallo tura fate tana tan la thar leh theuh turin an in ngen.

☞ Branch YMA in 2011 Sports a buatsaih turah Section memberte Football leh Volleyball (Mipa leh Hmeichhia) atana lo in puahchah turin an ngen.

☞ Section-in bungraw lei/siam tur dilna Branch YMA a a dil an remtihsak chu Br. Committee chungah lawmthu a sawi takzet.

☞ Hun remchang hmasa ah Thutthleng siama hnatleng neih tum a ni a, memberte hunawl lo insiam turin an in ngen.

☞ Section chhunga Pem lut thar awm te hruaituten ngaihven ran a Chhiatni Fund a ranglama khawn ngaihsak thar leh turin an in ngen.

☞ Section Bungrua Thutthleng dah nana hmunhma hmantirtu Pu Vanlalhraua leh Pi Thanchhingi te chhungkaw chungah lawmthu an sawi takzet.

**NEUVA**

☞ Thawlelh zan hian rokhawlha dang a awm loh chuan Section Committee koh tum a ni.

☞ Section hruaitute leh memberte thawhrimma a zarah kumin Project zing ami Plastic Chair 30 (Section Colour) a pawl nahl tak mai Branch pawmpuina lakk a nih hnuin `9900/- man lei a ni a, an lawm hle.

☞ Branch Sports - 2011 neih turah memberte Section Champion ni thei turin tun atanga tan lo la turin an in hriattir.

☞ An member Pu J. Ngaihzuala fanu Lalduhzuali thla 5 miin khawsikpui avanga a boralsan chu an uiin lusun chhungte an tuarpui hle.

☞ Gas sem leh hunah hetiang hi sem dan tur a ni. YMA Zawlbuk Point No. 31-80, Pu H. Vanlalduata Point No. 5- 54

☞ Vengchhunga Chhiat tawk an awmin hruaitu leh member mitthi lumen, khawhar in kal leh thlanlaih ah tanla turin an in ngen a, chutihralin rui chunga kallo hram turin an in chah.

**VANAPA**

☞ Upa Thanmawia'n a boralsan chu pawi an tiin Khawhar chhungte an tuarpui takzet ani.

*(V-Section Report chhunzawmna)*

☞ Hun remchang hmasa ah Section Committee neih tum ani a, Hruaitu te lo inring lawk turin an in chah.

☞ An Leader leh Asst Secretary te hna pawimawh avanga Hmar lam tlangdung a hun rei tak an zin hnu ah an lo haw leh ta. Treasurer Pu T. Sangkhuma, chesual pawh a dam leh tan ta. An member Pu Jimmy Vanlalhraua, damlo a dam leh thuai an duhsak.

☞ September thla tawp hun remchangah Branch YMA Sport neih tur ani a, Section Member te tan lo la lawk turin an in chah ani.

☞ Chhiatni Thatni ah Section hruaitu te leh Member te tan la leh zual sauh sauh turin an in ngen a.

**CHAWNGBAWLA**

☞ Tunkar lo awm tur Ni 9.8.2011(Thawlelh) zan hian committee koh tum a ni a, Chhiatni Fund leh YMAAW man la tifel lo te keng nghan turin an in chah.

☞ Branch YMA Sport lo awm tur atan Section chhunga infiammi te lo in puahchah theuh turin an in chah.

**LOCAL COUNCIL NEWS**

☞ Tunkar chho khan Vaivakawn Road Pi Nutawii te in chhak Chanmari kham atangin vawk thi satha vara dah a pah leh tui chhia pipe a rawn khawhthlak tir thin an awm a, Local Council chuan Ni 5.8.2011 zingkar khan a hmunah enfiahin a paihku an man chhuak a, ti tawhlo turin an hrilh. Vawk thi a pah tawh pawh chu senghawi fel a phum bo tura hriattir nghal an ni a, Chanmari Local Chairman pawh hriattir nghal a ni.

☞ Chanmari West vengchhungah ruahsur laiin Septic Tank chhuah ru an awm thin tih hriat a ni a, tun atang chuan Local Council te'n an enthla reng tawh a, man chhuah an nih chuan sawrkar ah report nghal an ni ang.

☞ Gas lo thlen dan hi a mumal lova, alo thlen hun tur hi hriatlawk ani ngai lova, alo thlen niin Local Council Chairman hnena hmunah an rawn phone a, semna hmun tur hi Local Council in YMA Information Mike ah a puan tir nghal thin a ni.

**CWSC NEWS**

☞ Kar kalta a Song & Drama Programme, Zawlhuam-a neih a kal an tum chu transportation lamah harsatna an neih avangin thulh leh a ni.

☞ An hruaitu Tv.R.Lalrinnghta leh Pu VL.Thakima te hna avanga zin pawh damtakin an lo haw leh ta.

☞ Sporting Club chuan August thla hian Badminton Tournament buatsaih a tum a, Badminton khel thinte tournament hmachhawn turin lo in buatsaih turin an chah.

☞ Dictionary of Games & Sports lehkhabu tha tak mai Pu Zodintluanga Minister Sports & Youth Services in Sporting Club a pek chu lawmawm an ti hle a, he lehkhabu hi chhiar duh chuan Club Ge.Secretary Pu C. Zonunsanga hnena ngaihven tur a ni e.

☞ Catch Them Young Programme Sports Discipline hrang hrang ah naupang tan coaching pek mek a ni a, Chanmari West vengchhung nu leh pa ten kan fate Sports lama hmasawnna an neih theih nan leh taksa hriselna an neih theih nan kan fate kal tir theuh turin an in ngen.

**Football Sub-Committee:-**

☞ Independence Day Celebration 2nd Div. Football Tournament khelh mekah Chanmari West F/C chuan Zirtawpni khan SYS F/C nen inkhelin 2-2 in an inhnehtawka, nimin Inrinni Dar 12 khan Thingsul Tlangnuam nen remach khel lehin resukt kan hre hman ta lo a ni.

(Re-match :- Ni 1.8.2011 khan Thingsul nen hian an inkhel tawh a. He inkhelh ah hian 2-2 in an in draw tawh a, mahse he match ah hian engemaw diklo a awm avangin re-match hi khel leh tura ruahman a ni. He inkhelh-a an chak chuan Ni 9.8.2011 (Thawlelh) Dar 12:30 hian Electric Veng F/C te nen AR Lammual ah Semi-Final an khel dawn a ni.)

☞ Independence Day Celebration 2nd Div. Football Tournament khelh meka vengchhunga sum leh paia tanpuina petu zawng zawng chungah Chanmari West Football Club chuan lawmthu a sawi takzet a ni

## An ropuizia hriat lohte ropuina mak tak chu !

- Ti-a

Thu ropui tak ziah tum hi thu ropui tak ziah tur hre lo tan chuan thil hahthlak tak a ni. Ho deuh pawh hi ziah tur hriat a har khawp mai. Hruaia VL (Vanlalhruaia) tih ringawt hi ziak tlar thla teuh ila, thu 'ho' takah thenkhat chuan an ngai ang a, an hlimpu phian mai thei; thenkhat erawh chuan 'ho' an ti hle ang a, min dem luai luai ang; thenkhat erawh chuan a hoh leh hoh loh pawh hrethiam chuang lovin 'ho' an ti em em dawn tih a chiang a, heti ang thu 'ho' lutuk han ziah vak mai chu a 'ho' lulai em mai an ti mai thei a, a awm; a 'ho' dawn em a ni.

Kan vengah hian mi turu tak tak an awm a, mahse, mi tam berin an ropuizia an hriatpui hran lo. Entir nan; kan tarlan tawh tho Hruaia VL ang chite pawh hi 'ngang tak chu a ni hrim hrim'. Sawi tak zelah chuan U Rimtuia pawh nupui ngam vangin ? A tlatna mual a thlak a, Thinglian khuaah chuan eng eng emaw hruaitu pawh a ni tawh mai thei (Kohhran rim nam lam chi ni rih lo mah se a pawi lo zawk). Rim chhia lo ti tawk emaw pawh an kat nawk ang.

Thianpa Hruaia VL, thiantane tana inphal tak hian incheina chu a ngai pawimawh thin maw le ! Anupui a chhai thluk dan 'style dang lutuk', zanlai pelh YMA AW buatsaih zawh hnua a formulae hman thin erawh sawi lo ila.

MA a zir chhung zawng khan kawr hakthlak a neih loh vang a ni lo; Kamis var rei em em a hak tawh, a dung zawnga te reuh te tea tial chho, a nawh mar khat em avanga a hnung lam chuar vual chho deuh tup tawh ringawt a ha. Hahnawhna a neih loh vang ni lova sahel seh thi reng ang maiin nitin class a kal thin; teri-cotton (terelin a nih leh nih loh chu ka hre lo va) kekawr tluan rawt bik a nei bawk a, a tlang a arh deuh hluai leh nghal. A duh aia a sei vang nge a duh ve hrim hrim tih pawh hriat lohvin a tlang inches hnih vel thlep letin a chhing deuh to va, hemi ha chung hian a kar tluan thin. Pheikhawk pum ni lo chapal dum, nikum hmasaa hmu tawhte pawhin 'Kha ila nei a ni maw ?' an tih theih tur khawpa a bun rim nen ringawt MA Economics tha takin a pass chhuak.

Kamis pakhat, kekawr pakhat, chapal pakhat, eng kekawte nge a hak chu ka hriatpui lo va, ka rin dan chuan a uk emaw a pawl da emaw a nih ka ring a, kum hnih MA a zir chhungin a mawng a tet a nih loh chuan a pan hman hle tura ngaih a ni a, a chhan chu a hakthlak vakin ka ring lo va, a inbual ngai miah lo tihna phei chu a ni lo. Ruahsur a do fuh chang chuan Sakhil pawh hi a inbual ve thin an ti. Tunah chuan kan tluk loh sorkar hnathawk lian a ni tawh a, a chal a thui tual tual a, a dul pawh a kiar ve telh telh a niang, tute emaw tih angin kan khelh phak loh badminton-te hial a

khel ve ta : Cock vaw fuh thei lo mah se nuam a ti viau niin an sawi.

U Rimtuia pawh a vanglai kha chuan turu tak a ni. Khawvel dangah hian ka la hmu lo va, ka dam chhung hian ka hmuh hman pawh ka inring ta meuh lo. Naupang Sande Skul, junior department ah zirtirtu a nih lai 1995 chho vel kha ni tain ka hria. Skin tight kekawr bul a lar a, ani chuan skin tight chiah lo; skin tight deuh roh, a dum, a bul pawh ni lo a tluan hain, sam zuah kir sei chuat chungin Sande Skulah a inkhawm a, T-shirt a ha leh nghal. A kekawr hak chu a ke artuiah a zuih ral hneh hle a, taksa phuar deuh tang a nih avangin a kap bawr pawh a lang bawr tha nelh nawlh khawp mai. Chuti chung chuan tui takin naupangte a zirtir a, inthlahrunna a neih awm reng reng hriat a ni lo va, a inthlahrun loh em emna pawh a awm chuang lo. Incheina a ngai pawimawh a, a pheikhawk dum bun kha beatle-shoe nge vai pheikhawk ka hre chiang ta lo. Sam sei kir, T-Shirt nen, kekawr ti deuh 'sprang', a dum leh nghal. Nuthlawi thenkhat boruak ngam deuh pawhin a lawnga an hah duh loh tur chi ha chungin, Sande-Skul zirtirtuin Sande-Skulah Sande Skul naupang a zirtir a, khang a zirtir takte kha engtin nge an awm tak zel tih erawh sawi zui ngai lo a ni a, amah pawh sawi zui a ngai chuang lo.

Rinmawia (bracket chhunga MZP tih dah hian hriat a awlsam bik) pawh a nupui a ngam em avangin Luangmual lamah min kalsan ta a; a ngaihawm chang a awm zauh zauh. Ani pawh hi incheina ngai pawimawh tak a ni a, T-shirt nghawng nei a ha tam hle a, mi pangngai hak tawk tura siam ni mah se, Rinmawia hian a lei fuh lo ziah nge maw ni ? a kawr banah hian a ban pahnih rawlh mah se a thawl ziah.

High Field-ah YMA Aw-a kan awm ho laiin kan inkhel a, inkhelh laklawh laiin a rawn lut. A T-shirt nghawng nei hma lam ipteah pen a pai lut a, teri-cotton kekawr tlawn a malpui thlengin a thlep chho bawk. He kekawr hi a ha rim hle a, a hak loh lai chu a inbual lai a ni deuh ber; a uk da lam niin ka hria. A thlep chhing viau na a, a malah a tawt chuang lo va, ke kawr bul lian tha pangngai ang takin a hmang thei. Mawza tel lovin mi ta a hawsak ball-boot a bun bawk a, tichuan a inkhel ta a, hmuhnawm dang a ngai tawh lo. Penalty a pet a, theihtawpa a chhuuh chu a lir lut zo lo.

U Nunthara incheina leh chet dan bakah, badminton a khelh hmaa Lalhmingliana nunte pawh tarlan a chakawm. Nakkinah hmun awl remchang, hnawh khat tur a awm leh a nih chuan kan la ziak turah ngai ang. Tun tum pawh tikhah a ngai si a, kan tikhat leh ta hram chu a ni e.

**HETAH HIAN SMS LA  
>>9774170328<<**

Indoor Stadium pan thlakna kawng hi zan ah hian a thim thin lutuk a, hmeichhe tan phei chuan kal that ngam chi pawh a ni lo. Local Council te hian hma han la se a va th awm ve.

**977408\_40**

Tunlai hian ui seh an tam hle mai a, ui vulh te hian i khuahkhirh vek teh ang u. Mi tana hnawksak nilovin. A vulh ve lo tan chuan hnawksak mai a ni si a.

**961213\_69**

Kan vengchhungah kawngchhia a vang tawh hle a, mahse N-Section tuikhur thlang kawngchhia hi kan khawtlang hruaitu (LC) te hian min ngaihutsak se a lawmawm hle ang.

**879458\_13**

(Ui leh Ar thlahdah chungchang kan dawng nasa ta khawp mai, chhunginte kan ranvuh i ngaihsak tlang theuh ang u. Ed. Bd.)

**(SMS kan dawn te hi Ed. Bd  
ngaihdan a ni vek kher lo)**

### Sub-Centre News

RSBY Health Care Scheme Enrolment tih mek a ni a, tel awma in ngai te chuan Sub-Centre ah a list en theih a ni. Enrolment hi Ni 14.8.2011(Pathianni) thleng tih theih a ni ang. Enrolment ti zawng zawng te Ni 16.8.2011(Thawhleh) ah Indoor Stadium ah thlalak vek tur a ni a, thlalak a tel lo chu bill siam ah telh theih an ni lo ang.

### SOLFA HUAN

Lehkhabus pakhata solfa chi li zirna khawvela la awm chhun. Zofate rimawi khawvela hming dai ngai tawh lo tur T Zorampela ziah chu lei theihin a awm ta e. Lei la, i inchhir lo vang.

**CHAM CHAM STORE -  
'Ch' section-ah ngaihven  
theih a ni**

### SPOKEN ENGLISH / HINDI

English leh Hindi nal taka tawng thiam i duh em?

I hun neih dan ang zelin VAIVAKAWN BAZAR BULAH 6:30 am - 6:30 pm inkarah a zir theih reng e. Zirtirtu thiam takten an lo zirtir ang che.

Monthly Fee :- ` 600/-  
Registration Fee :- 100/-

**SPOKEN LEARNING  
CENTER, VAIVAKAWN  
Contact :-  
8974361240 / 9856021152**